

VI PREMIO FERROLTERRA *emprende*



Ferrolterra

Jóvenes Empresarios

12 DICIEMBRE 2019





PRESENTACIÓN

VI EDICIÓN PREMIOS FERROLTERRA EMPRENDE

A Asociación de Jóvenes Empresarias/os de Ferrolterra, Eume e Ortegal nace no ano 2003 a iniciativa dun grupo de empresarias/os que se unen non só para representar e defender os intereses profesionais dos seus membros senón tamén, para promover e fomentar a cultura empresarial e emprendedora da Comarca, coa finalidade de estimular o autoemprego e contribuír dalgún xeito a mellorar a situación económica e industrial actual.

Dende esta posición privilexiada de contacto continuo e acercamento co colectivo empresarial e emprendedor da comarca, AJE Ferrolterra vai organizar a **VI Edición Premios Ferrolterra Emprende** co obxecto de recoñecer e premiar a labor das/os empresarias/os que co seu esforzo contribúen a xerar riqueza e xerar emprego na sociedade e, por outra banda, servir de apoio e referencia aos/as emprendedores/as que comezan a súa andaina empresarial.

As/os premiadas/os de esta edición, como en edicións pasadas, beneficiaranse da posibilidade de optar ao Premio Xove Empresario de Galicia que se organiza de maneira anual pola Federación Galega de Xoves Empresarios (FEGAXE).

Este evento terá lugar o **12 DE DECEMBRO** na Fundación Exponav sita no Cantón de Molíns ás 19.30h.

Ademais consideramos que é unha oportunidade de comunicación e conexión na traxectoria de todas/os as/os nosas/os asociadas/os, por elo cremos moi valioso contar coa vosa presenza para intercambiar intereses e inquiredanzas que é realmente o verdadeiro obxecto de AJE Ferrolterra.





BASES DO CONCURSO

VI EDICIÓN PREMIOS FERROLTERRA EMPRENDE

Primeira: Requisitos das/os candidatas/os

Poderán ser candidatas/os a participar no Premio todas as empresas radicadas nas Comarcas de Ferrol, Eume e Ortegal, tanto persoas físicas como xurídicas, sempre e cando as/os empresarias/os ou directivas/os da empresa non superen os 41 anos de idade.

Non poderán presentarse como candidatas/os ao Premio as/os actuais directivas/os da Asociación.

Segunda: Premio

Nesta edición o Premios Ferrolterra Emprende 2019 comprende dúas categorías e catro accésit:

- **Premio Joven Empresaria/o 2019:** Empresaria/o cuxa constitución sexa anterior ao 1 xaneiro do 2018, en calquera das súas formas xurídicas. A dotación dos Premios é en formación por cortesía de IESIDE, Escola de negocios AFUNDACIÓN.
- **Premio Iniciativa Emprendedora 2019:** Empresaria/o ou emprendedor/a cuxa data de constitución sexa posterior ao 1 de xaneiro do 2018. A dotación do Premio Iniciativa Emprendedora 2019 é de 1.000€ por cortesía do IGAPE.
- **Accésit á innovación.** Dotación: formación de IESIDE.
- **Accésit as novas tecnoloxías.** Dotación: 1 ano de publicidade gratuíta en Ferrol 360.
- **Mención especial entidade social RSE:** Dotación 500€.

No caso de non ser socia/o maioritario ten que ter unha participación superior ao 20% e poderá presentar a súa candidatura previa autorización das súas socias ou socios, para elo deberá presentar un escrito no que as/os socia/os que superen o 50% da propiedade, declare o seu consentimento á presentación da súa candidatura e participación no premio.





Terceira: **Ámbito territorial**

As empresas candidatas deberán ter establecemento mercantil nas comarcas de Ferrol, Eume e Ortegal.

Cuarta: **Procedemento do concurso**

Unha vez rematado o prazo de presentación das candidaturas, 6 de decembro do 2019, os membros do xurado elixirán nunha reunión para tal efecto as/aos gañadoras/es de esta edición agás o accésit ás novas tecnoloxías que será elixido polo público nun concurso que se convocará a partir de que se abra o prazo de presentar as candidaturas nas redes sociais.

No caso de existir un número elevado de candidaturas a Asociación resérvase o dereito de realizar unha preselección dos proxectos.

Quinta: **Criterios de valoración**

O xurado conta coa total liberdade de criterio para a concesión do Premio, tendo en conta os seguintes criterios:

Premio Joven Empresaria/o 2019: Calidade, Innovación, Permanencia sostible no mercado, Creatividade, Implantación de procesos de calidade, Procesos de Expansión, Creación de postos de traballo, ter recoñecidos outros premios a nivel local, autonómico ou nacional.

Premio Iniciativa Emprendedora 2019 Se valorará: Calidade e Innovación dos proxectos de recente creación, creatividade, sostenibilidade, coñecemento do mercado e viabilidade.

Accésit á innovación: Ideas innovadoras ou Procesos de investigación que supoñan unha mellora cualitativa para a actividade da empresa ou sociedade en xeral e a aplicación da Industria 4.0.

Accésit as novas tecnoloxías: será elixido polo público nas redes sociais.





Sexta: Xurado

O Xurado que emitirá o fallo estará composto por diversas personalidades do mundo empresarial, financeiro e institucional que se irán actualizando a medida que a organización confirme ditos servizos.

As decisións do Xurado serán inapelables e adoptaranse por maioría simple. No caso de empate decidirá o voto de calidade o Presidente/a do Xurado.

Sétima: Documentación

A documentación a presentar será a seguinte:

- a) Modelo normalizado de presentación de candidaturas asinado e selado que poderán recoller na sede da Asociación ou na web dos Premios.
- b) Memoria descritiva do proxecto empresarial.
- c) Declaración xurada da veracidade dos datos facilitada por AJE Ferrolterra.
- d) Logotipo para a difusión das/os candidatas/os en web, redes, prensa e o día do evento.
- e) Fotografía para redes sociais para o accésit ás novas tecnoloxías.

A presentación desta documentación non exclúe posteriores comprobacións de documentos acreditativos que puidera levar a cabo o comité organizador para a verificación de datos.

As empresas participantes poderán achegar toda a documentación que consideren oportuna para a correcta avaliación do seu proxecto.

AJE Ferrolterra resérvase o dereito de reclamar toda a documentación referida ou que estime oportuna para facilitar a realización da elección das empresas finalistas.

Oitava: Prazo e lugar de presentación de candidaturas

O prazo para a entrega da documentación será ata o día 6 de decembro do 2019 ata as 23.59h, na sede da asociación ou por correo electrónico a info@ajeferrolterra.org





Novena: Acto de entrega

Os galardóns entregaranse nunha gala con motivo do **VI Premio Ferrolterra Emprende** que terá lugar O XOVES 12 DE DECEMBRO DO 2019 ás 19:30 h na Fundación Exponav sita en Cantón de Molíns de Ferrol.

Décima: Confidencialidade do xurado

A documentación facilitada polas/os participantes estará a disposición exclusivamente para o estudo por parte do xurado e será confidencial, reservándose a Asociación o dereito a facer uso dos nomes das/os participantes, imaxe corporativa e material gráfico en relación á promoción do Premio.

Os datos obtidos, co consentimento expreso do interesado, serán utilizados única e exclusivamente para o bo fin dos presentes **VI Premios Ferrolterra Emprende**.

A persoa interesada pode exercer os dereitos de acceso, oposición, rectificación e cancelación en termos previstos pola Lei Orgánica 15/1999 de Protección de Datos de Carácter Persoal mediante carta a Cantón de Molíns 8-9 Entrechán axuntando a fotocopia do D.N.I.



VI PREMIO
FERROLTERRA
emprende

